

Enrico Lardelli da nov en la direcziun da la BCG

Cuira, il 1. da settember 2015 – Enrico Lardelli surpiglia oz la direcziun da l'unitad d'interpresa IT/Operations e daventa nov commember da la direcziun da la Banca Chantunala Grischuna. Ses antecessur Eduard Gasser vegn pensiunà e banduna il gremi directiv da la BCG suenter 25 onns.

Enrico Lardelli ha cumenzà a lavurar per la Banca Chantunala Grischuna (BCG) gia a l'entschatta dal 2015. Grazia ad ina planisaziun prospectiva ha el gì la chaschun dad emprender d'enconuscher differents secturs da la banca e sa preparar optimalmain sin la nova incumbensa. Per il 1. da settember 2015 surpiglia el sco successur dad Eduard Gasser sia nova funcziun sco manader IT/Operations e commember da la direcziun.

Gronda experienscha cun IT ed organisaziun

Avant sia midada tar la BCG è Enrico Lardelli stà engaschà dal 2009 fin il 2014 sco manader da l'informatica (CIO) e commember da la direcziun da la PostFinance AG. Anc avant è el stà CIO tar la banca privata RBS Coutts a Turitg, tar la Raiffeisen Svizra e tar Clariden Leu. L'informaticher d'economia diplomà ha 49 onns, è creschì si a Cuira e stat cun sia famiglia a Frauenfeld. Enrico Lardelli cumplettescha optimalmain la direcziun da la Banca Chantunala Grischuna cun sias cumpetenzas e sia experienscha en ils champs tecnologia d'infurmaziun, management da projects ed organisaziun. La BCG al giavischa ina bun'entschatta e bler success en sia nova funcziun.

Engraziament a l'antecessur Eduard Gasser

Eduard Gasser ha lavorà dapi il 1985 per la Banca Chantunala Grischuna, l'emprim sco manader da la partiziun Organisaziun e dal 1991 fin il 2015 sco commember da la direcziun e manader da l'unitad d'interpresa IT/Operations. En ses var 25 onns sco commember da la direcziun ha el influenzà activamain la midada da la BCG en ina banca da distribuziun moderna. Cun partenadis strategics ed outsourcings ha la banca meglierà sut sia direcziun da cuntin l'infrastructura, ils process, l'effizienz e la rentabilitad. Terms impurtants da l'era Gasser en il sector immobigliar èn la renovaziun e l'engrondiment da la sedia centrala, la nova halla per la clientella a la Piazza da la Posta a Cuira, la construcziun da l'auditori BCG e differentas construcziuns novas e renovaziuns da filialas en las regions. La Banca Chantunala Grischuna engrazia ad Eduard Gasser per sia gronda attaschadad, sias fermas cumpetenzas e sia collegialitad ed al giavischa tut il bun per la nova fasa da sia vita.

Vossas dumondas respunda gugent:alois.vinzens@gkb.ch

President da la direcziun generala | +41 81 256 94 26

Il sector Marketing & communicaziun As gida gugent a cuntanscher il pli svelt pussaivel Vossas personas da contact:As drizzai a thom.mueller@gkb.ch | +41 81 256 83 11.**Banca Chantunala Grischuna – il leader en il Grischun**

La Banca Chantunala Grischuna porscha tut quai ch'i dovra per ina banca universal moderna – per personas privatas, l'economia ed il maun public. La banca occupa 1'053 collavuraturas e collavuratur (stadi dals 30-06-2015). En il chantun Grischun cun sias numerusas vals e pliras linguas, è l'interpresa represchentada cun 63 agenturas, la sedia principala sa chatta a Cuir. La Banca Chantunala Grischuna è participada a la Banca Privata Bellerive SA ed a la Private Client Bank SA a Turitg. En il rendaint semestral preschenta ella cun ina summa da bilantscha da CHF 22,696 milliardas in gudogn brut consolidà da CHF 98,5 milliuns. Il scrit da participaziun BCG è quotà a la bursa dapi ils 10 da settember 1985.

Termins

Quint annual 2015:	12 da favrer 2016
Radunanza dals participants:	19 da mars 2016